

1KT

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
MINISTARSTVO UNUTRAŠNJIH
POSLOVA



BOSNIA AND HERZEGOVINA
FEDERATION OF BOSNIA AND
HERZEGOVINA
THE UNA-SANA CANTON
MINISTRY OF THE INTERIOR

UPRAVA POLICIJE

Broj: 05-04/06-11-164/22/DG

Dana: 05.04.2022. godine

Na osnovu člana 64. stav (1) tačka a), člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), Preporuke o izboru najpovoljnijeg ponuđača Komisije za javne nabavke Uprave policije MUP-a USK-a broj: 05-04/01-1-11-164/22 od 01.04.2022. godine, a na osnovu člana 26. Zakona o unutrašnjim poslovima Unsko-sanskog kantona („Službeni glasnik USK - a“, broj: 13/16) u postupku javne nabavke roba – kancelarijskog materijala za potrebe Uprave policije MUP-a USK-a za 2022. godinu, policijski komesar Uprave policije Ministarstva unutrašnjih poslova Unsko-sanskog kantona Bihać, d o n o s i :

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javne nabavke broj: 05-04/01-1-11-164/22 od 01.04.2022. godine i ugovori za javnu nabavku roba – kancelarijskog materijala za potrebe Uprave policije MUP-a USK-a za 2022. godinu dodjeljuju se:

1. ugovor za **LOT 1** dodjeljuje se ponuđaču **MONNE COMERC d.o.o. Bihać** za ponuđenu cijenu u iznosu od **17.638,38 KM** (slovima: sedamnaesthiljadašeststotinatridesetosam i 38/100 KM) bez uračunatog PDV-a,
2. ugovor za **LOT 2** dodjeljuje se ponuđaču **MONNE-COMERC d.o.o Bihać** za ponuđenu cijenu u iznosu od **3.567,95 KM** (slovima: trihiljadepetstotinašezdesetsedam i 95/100 KM) bez uračunatog PDV-a i
3. ugovor za **LOT 3** dodjeljuje se ponuđaču **MONNE-COMERC d.o.o Bihać** za ponuđenu cijenu u iznosu od **33.797,47 KM** (slovima: tridesettrihiljadesedamstotinadevedesetsedam i 47/100 KM) bez uračunatog PDV-a na osnovu kriterija za dodjelu ugovora „ekonomski najpovoljnija ponuda“.

Član 2.

Izabrani ponuđač je dužan da u roku od 5 (pet) dana od dana prijema ove Odluke dostavi originale ili ovjerene kopije dokumenata iz člana 45. Zakona o javnim nabavkama.

Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, ugovor za javnu nabavku dodjelit će se drugorangiranom ponuđaču u skladu sa članom 72. stav 3. Zakona o javnim nabavkama.

Član 3.

Prijedlog ugovora o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obavješteni o izboru najpovoljnijeg ponuđača, kojim će se regulisati međusobna prava i obaveze vezano za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupak ugovaranja.

Član 4.

Za izvršenje ove Odluke zadužuje se i ovlašćuje Sektor za materijalno-financijske poslove i informacijsko – komunikacijske tehnologije, Odsjek za materijalno opremanje i komercijalne poslove.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 70. stav (1) i (2) Zakona o javnim nabavkama i to elektronskim sredstvom (mailom).

Obrazloženje

Postupak javne nabavke pokrenut je odlukom o pokretanju postupka javne nabavke broj: 05-04/06-11-164/22/DG od 21.02.2022. godine.

Javna nabavka je provedena putem otvorenog postupka.

Predmetna nabavka je podijeljena na 3 (tri) LOT-a i to:

LOT 1 – kancelarijski materijal, procijenjena vrijednost iznosi do 26.000,00 KM bez PDV-a

LOT 2 – registratori, procijenjena vrijednost iznosi do 6.000,00 KM bez PDV-a i

LOT 3 – papir za printanje, procijenjena vrijednost iznosi do 34.000,00 KM bez PDV-a

Ukupna procijenjena vrijednost javne nabavke za sve LOT-ove bez uračunatog PDV-a iznosi do 66.000,00 KM. Obavještenje o nabavci broj: 20936-1-1-25-3-7/22 objavljeno je dana 04.03.2022. godine na Portalu javnih nabavki.

Krajnji rok za prijem ponuda bio je 25.03.2022. godine do 09:00 sati.

Komisija za javnu nabavku imenovana je Rješenjem broj: 05-04/04-2-11-785/20 od 04.06.2020.godine.

Komisija za javnu nabavku dostavila je Zapisnik o ocjeni ponuda broj: 05-04/01-1-11-164/22 od 01.04.2022. godine sa preporukom o izboru najpovoljnijeg ponuđača broj: 05-04/01-1-11-164/22 od 01.04.2022. godine, u postupku javne nabavke roba – kancelarijskog materijala za potrebe Uprave policije MUP-a USK-a za 2022. godinu.

U postupku po Zapisniku o pregledu i ocjeni ponuda je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene 2 ponude za LOT 1, 3 ponude za LOT 2 i 2 ponude za LOT 3 ;
- da su sve ponude primljene blagovremeno;
- da nije bilo neblagovremeno primljenih ponuda,
- da su ponude ponuđača: „DEFTER“ d.o.o. Sarajevo, „PRIMAPROM“ d.o.o. Banja Luka i „MONNE COMERC“ d.o.o. Bihać prihvatljive
- da nije bilo neprihvatljivih ponuda

Dalji postupak Komisija je provela u dvije faze:

- u prvoj fazi obavljena je provjera kvalifikacija ponuđača, prema uvjetima i kriterijima utvrđenim u tenderskoj dokumentaciji,
- u drugoj fazi date su preporuke Ugovornom organu za dalje postupanje u ovom predmetu.

Prilikom kvalifikacije ponuđača te ocjene ponuda Komisija je utvrdila da svi ponuđači ispunjavaju uvjete koje zahtjeva Ugovorni organ i koji su jasno određeni tenderskom dokumentacijom.

Također, Komisija je izvršila pregled uzoraka kancelarijskog materijala koji su dostavljeni uz ponude, te je utvrđeno da su isti u skladu sa tehničkim specifikacijama koje su određene Aneksom 3 – Obrascem za cijenu ponude.

Kriterij za dodjelu ugovora je ekonomski najpovoljnija ponuda.

Način primjene metodologije dodjele bodova u slučaju primjene kriterija ekonomski najpovoljnija ponuda:

1. Potkriterij: cijena ponude izražena u KM učešće 90%
2. Potkriterij: rok isporuke učešće 10%

LOT 1

R. br.	Naziv ponuđača	Potkriterij 1	Potkriterij 2
		Broj bodova	Broj bodova
1.	PRIMAPROM DOO BANJA LUKA	62,28	10
2.	MONNE COMERC DOO BIHAC	90	10

LOT 2

R. br.	Naziv ponuđača	Potkriterij 1	Potkriterij 2
		Broj bodova	Broj bodova
1.	DEFTER DOO SARAJEVO	54,96	10
2.	PRIMAPROM DOO BANJA LUKA	64,78	10
3.	MONNE COMERC DOO BIHAĆ	90	10

LOT 3

R. br.	Naziv ponuđača	Potkriterij 1	Potkriterij 2
		Broj bodova	Broj bodova
1.	PRIMAPROM DOO BANJA LUKA	57,83	10
2.	MONNE COMERC DOO BIHAĆ	90	10

Rang lista ocijenjenih ponuda:

LOT 1

	Naziv ponuđača	Ukupan broj bodova
1.	MONNE COMERC DOO BIHAĆ	100
2.	PRIMAPROM DOO BANJA LUKA	72,28

LOT 2

	Naziv ponuđača	Ukupan broj bodova
1.	MONNE COMERC DOO BIHAĆ	100
2.	PRIMAPROM DOO BANJA LUKA	74,78
3.	DEFTER DOO SARAJEVO	64,96

LOT 3

	Naziv ponuđača	Ukupan broj bodova
1.	MONNE COMERC DOO BIHAĆ	100
2.	PRIMAPROM DOO BANJA LUKA	67,83

Podaci o ponuđaču čija je ponuda ocijenjena kao najpovoljnija za LOT 1:

1.	Naziv ponuđača	MONNE COMERC DOO BIHAĆ
2.	Sjedište i adresa	Ul. Mušanovića mahala br. 40, 77000 Bihać
3.	Ukupna cijena ponude bez PDV-a	17.638,38 KM
4.	Ukupna cijena ponude sa PDV-om:	20.636,91 KM

Podaci o ponuđaču čija je ponuda ocijenjena kao najpovoljnija za LOT 2:

1.	Naziv ponuđača	MONNE COMERC DOO BIHAĆ
2.	Sjedište i adresa	Ul. Mušanovića mahala br. 40, 77000 Bihać
3.	Ukupna cijena ponude bez PDV-a	3.567,95 KM
4.	Ukupna cijena ponude sa PDV-om:	4.174,50 KM

Podaci o ponuđaču čija je ponuda ocijenjena kao najpovoljnija za LOT 3:

1.	Naziv ponuđača	MONNE COMERC DOO BIHAĆ
2.	Sjedište i adresa	Ul. Mušanovića mahala br. 40, 77000 Bihać
3.	Ukupna cijena ponude bez PDV-a	33.797,47 KM
4.	Ukupna cijena ponude sa PDV-om:	39.543,04 KM

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav (1) tačka a), člana 25., člana 70. stavovi (1), (2), (3) i (6) Zakona o javnim nabavkama Bosne i Hercegovine ("Sl. glasnik BiH", broj: 39/14) i člana 26. Zakona o unutrašnjim poslovima Unsko-sanskog kantona ("Službeni glasnik USK", broj: 13/16), odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa u dovoljnom broju primjeraka.

Dostaviti:

1. Ponuđaču: „MONNE COMERC“ d.o.o., putem e-maila: monne_comerc@yahoo.com

2. Ponuđaču: „DEFTER“ d.o.o., putem e-maila: defter@bih.net.ba

3. Ponuđaču: „PRIMAPROM“ d.o.o., putem e-maila: tenderi@primaprom.com

4. Sektor za mat. fin. poslove i IKT - za objavu

5. a/a

